

## Dočekana 2010. godina: Proslava u gradovima širom BiH

01/01/2010 11:57 by Administrator

Na hiljade Sarajlija,  
ali i ljudi iz drugih  
krajeva naše zemlje,  
okupilo se sinoć ispred Vječne vatre  
na centralnom dočeku kako bi  
ispratili staru i dočekali Novu godinu.  
Uz pjesmu i u dobrom raspoloženju,  
kao i svake godine, Bosanci i  
Hercegovci pokazali su da uprkos  
brojnim problemima vjeruju da će  
godina koja je pred nama donijeti  
puno boljih, ljepših i pozitivnijih  
trenutaka.....

U svečanom tonu u Bihaću i ostalim općinama Unsko-sanskog kantona, dočekana je Nova 2010. godina. Uprkos kiši, koja je padala cijelu noć, najveselije je bilo na gradskim trgovima, posebno u Bihaću, gdje se okupilo više hiljada građana i gdje su prigodni programi trajali gotovo cijelu noć. Veselo je bilo u brojnim restoranima i hotelima u svim područjima kantona. Međutim, najveći broj Krajišnika Novu 2010. godinu dočekao je u krugu porodice. Predstavnici općina, prvih minuta Nove godine posjetili su bolesnike u kantonalnoj bolnici i porodilište, zatim dežurne vatrogasce, policajce, zaposlene u Hitnoj medicinskoj pomoći. Tokom noći registrovano je desetak saobraćajnih nesreća, ali bez teških posljedica. Praznično slavlje nastavljeno je i tokom dana, navodi FTV. U Mostaru je novogodišnja noć, prema riječima operativnog u MUP-u HNK, protekla mirno, bez ijednog incidenta. Kiša i nepostojanje organizovanog dočeka na otvorenom, uveliko su policajcima i hitnoj pomoći u Mostaru smanjili obim posla. Slavilo se u nekoliko diskoteka i hotela. Građani Mostara u Novoj godini očekuju više sreće, novaca, manje trajkova i više političke svijesti kako bi Mostar pratio razvoj drugih gradova u BiH. A Središnji izborni stožer hrvatskog predsjedaničkog kandidata Milana Bandića u Mostaru u sklopu predizborne kampanje za predsjednika Republike Hrvatske organizovao je doček Nove godine 2010. na otvorenom ispred zgrade Projektanta. Nastupila je grupa Majer iz Mostara i Guileis iz Novog Travnika. Mostarcima se prigodnim pozdravnim govorom obratio i gradonačelnik Mostara Ljubo Bešlić. Iako kišna, novogodišnja noć u Banjoj Luci protekla je uz svečani ponoćni vatromet, muziku, kuhano vino i petarde pod nogama, ali bez velikih incidenata. Centralna proslava organizovana je na Trgu Krajine, gdje se okupilo nekoliko hiljada građana. Posljednje sekunde 2009. godine odbrojali su zajedno sa srbijanskim muzičkim zvijezdama, Jelenom Tomašević i grupom Legende, dok je tradicionalna čestitka gradonačelnika Banja Luke ove godine je izostala.

Izvor vijesti: 24sata.info